

欽定剿平粵匪方略

欽定剿平粵匪方略卷二百六十九 辛酉年

七月二十日

丙午

官文胡林翼李續宜奏言逆首

李秀城竄踞江西瑞州義甯武甯各郡邑後糾
集大股分擾興國崇陽通城大冶通山武昌咸
甯蒲圻等州縣逼近省城臣李續宜因武昌縣
城與黃州府城隔江對峙恐賊踞修陂壘阻我
長江卽派遣員蔣凝學率湘左等營前往守禦

旋據蔣凝學稟稱賊已竄踞武昌縣城該道會同水師遊擊曾紹霖等督帶礮船水陸夾攻蔣凝學督率隊伍直駐武昌近城之西山左右設伏城賊分路來撲蔣凝學等親自督戰賊衆不支伏兵齊起賊遂大敗復經水師沿岸轟擊計殺斃騎馬賊目三名賊匪數百名淹斃受傷者尤衆生擒七十五名賊受創後閉城不出經曾

紹霖等用礮環擊賊不能守遂於十六日奪路而逃當將縣城克復該逆大股仍盤踞興國之龍港等處擄掠民船希圖上犯先經臣官文派撥唐瑞廷等帶領礮船入梁子湖迎擊按察使彭玉麟派水師參將喻俊明連日攻勦斃賊數百名焚燬賊船五百餘號嗣臣胡林翼由太湖回省先經臣官文臣李續宜派總兵成大吉率

貞右等十營蔣凝學率湘左等四營知府毛有
銘率湘右等二營都司孟麟率馬隊由省南之
保安金牛一路進剿興國大冶等處副將何紹
彩等帶新訓四營遊擊王先昌率新昌營都司
李克儉率馬隊由省西之咸甯進剿蒲圻崇陽
通城等處並飭會合已革皖南道李元度上下
夾擊分路前進維時署咸甯縣知縣金東昀等

督率兵勇於六月初二日將縣城收復適李元
度所部各營自平江拔營將馬港乾塘坳等處
節節埽蕩敗賊遁入通城於西門外孤簫山築
壘二座賊首僞黃天福伍逆等將城加高安設
滾木梅花椿爲久踞之計李元度派遊擊李正
盛等進攻西門一路又派守備王清等進攻東
門一路該道自率都司王連發等進攻南門中

路先將黃泥坳賊卡攻破槍斃多名知縣傅詩
督帶紳團兵勇直趨孤簫山賊壘該逆開礮抗
拒我軍奮勇猛撲將火彈延燒賊棚逆衆慌亂
退入西北門我軍跟蹤進城殺賊三百餘名逆
衆向崇陽奔逃卽於六月初三日克復通城縣
城餘賊向南樓嶺越竄有由桂口司歸併崇陽
者李元度派各營進紮桂口自率岡字等營駐

守通城初五日陳奉彝等率五營直逼崇陽南門外山岡約會知縣王筠節勘明進兵之路往誘賊戰該逆伏匿不出初六日該營等三路進攻悍賊千餘人拒戰其餘逃往寒泉大源一帶係往通山義甯之路經各勇槍斃百餘名該逆且戰且逃我軍追殺六百餘名生擒七十名救出難民數百餘名卽於初六日克復崇陽縣城

何紹彩等復由咸甯進剿搜殺餘匪成大吉等
由武昌縣屬之保安金牛沿途剿洗踏平賊壘
殺賊甚多所有分擾興國大冶通山之賊經水
師節節堵剿賊已不能逞志嗣見金牛大股挫
敗我軍分道齊至逃往義甯各該州縣地方均
已平靖現在李元度之軍已乘勢追出江西之
義甯州並移會江西交界各州縣實力堵剿查

通城崇陽俱與江西義甯接壤當逆賊竄擾義甯時通城縣知縣傅詩卽帶勇於義甯交界之苦竹嶺防守不料該逆已由南樓嶺一路竄入縣城崇陽縣知縣王筠節正在義甯交界之小山界招致團勇力扼賊路而該逆已由通城突至以致倉猝失守城池該二員雖無賊至逃避情事究未能先事豫防應請革職署咸甯縣知

卷之三十三

縣金東昀署蒲圻縣知縣孫寶田均於大軍未到之前自行設法收復縣城尙知奮勉均請革職暫留本任署武昌縣知縣龍雲雖經賊匪闌入縣城旋即隨同官軍收復代理興國州知州徐芝代理大冶縣知縣王壩署通山縣知縣王紹薪雖縣境被賊肆擾仍督率紳團與水師扼要堵禦賊匪不能久踞以上四員或向無城池

或僅擾及境內或雖有城池而旋失旋復均無賊至逃避情事然亦未敢以隨同克復邀請免議應請於補缺後革職留任所有在事尤爲出力員弁兵勇容俟查明覈實保獎奏入

上諭內閣曰逆首李秀城竄踞江西瑞州等郡縣後糾集大股擾及興國崇陽通城大冶通山武昌咸甯蒲圻等州縣逼近省城經官文等調派各軍分

路勦辦將武昌蒲圻等縣城次第克復省南一律肅清辦理甚爲得手著官文等督飭各軍實力勦洗毋留餘孽署通城縣知縣傅詩崇陽縣知縣王筠節雖無賊至逃避情事究屬防範不力均著卽行革職署咸甯縣知縣金東昀署蒲圻縣知縣孫寶田於大軍未到之先自行設法收復縣城尙知奮勉均著革職暫留本任署武昌縣知縣龍雲雖

被賊匪闖入縣城旋即隨同官軍收復代理興國
州知州徐芝代理大冶縣知縣王墉署通山縣知
縣王紹薪雖縣境被賊肆擾尙能竭力堵禦均著
於補缺後革職留任在事出力員弁兵勇著官文
等查明覈實保奏候朕施恩

官文胡林翼李續宜又奏言查通城崇陽敗賊
逃竄義甯州屬之官溪地方李元度隨派營官

吳蘭蕙等於六月十二日直抵官溪該逆不意
我軍驟至初猶冒死抗拒繼見官軍圍攻甚力
紛紛潰竄各營趕殺百餘人十三日我軍進擣
州城先將杭口賊卡攻破擊殺百餘人餘賊敗
奔入城十四日各勇攀堞登城呼聲震地該逆
且戰且退經我軍殲斃二百餘人生擒七十餘
名敗賊分竄武甯新昌兩處追殺各數十里登

時克復城池除查明出力員弁兵勇擇尤保獎
額懇

恩施外已革按察使銜皖南兵備道李元度於旬日
之內連克通城崇陽義甯三州縣城池實屬奮
勉可嘉可否額懇

天恩賞還李元度按察使原銜以昭激勸其在皖南
道任內失守一案仍由曾國藩訊明分別辦理

奏入

上諭內閣曰官軍克復通城崇陽後餘賊逃竄江西
義甯州屬之官溪地方經官文等督飭李元度乘
勝進剿將義甯州城克復已革安徽徽甯池太廣
道李元度著賞還按察使原銜其失守一案仍著
曾國藩訊明分別辦理

官文胡林翼李續宜又奏言查道員劉嶽昭一

軍自進攻隨州後疊獲勝仗現在該軍偏城而
壘晝夜環攻正當情形喫緊且德安黃州等處
尙未克復逆首陳玉城糾集舒廬大股由英霍
上竄我軍籌防籌勦兵力不敷一時無可抽撥
所有劉嶽昭一軍應俟克復隨州後卽行飭令
赴蜀臣等已飛咨駱秉章查照奏入報

聞

官文又奏言邇值川匪臨張亟應大伸

天討惟駱秉章客軍到蜀無地方之責於徵兵籌餉
諸事似覺呼應不靈且兵貴神速如必待楚軍
遠往亦慮曠日持久難收速效可否額懇

聖恩俯准駱秉章體察川省得力官軍並糧餉要務
咨明署督臣就近分別調遣以重事權而厚兵
力奏入

上諭內閣曰四川總督著略秉章補授仍督辦四川軍務

同日

上諭內閣曰雲貴總督著福濟補授成都將軍著崇實補授福濟所辦川陝交界地方防堵事宜著崇實前往接辦福濟俟崇實到防再行赴任

同日曾國藩奏言查去冬以來竄擾江西之賊

前後凡五大股其由皖境竄入自北而南者三股一曰僞主將黃汝金股匪連陷建德鄱陽六縣經左宗棠鮑超於洋塘擊退一曰僞侍王李侍賢股匪連陷浮梁景鎮等處經左宗棠於樂平擊退此二股均未能深入江西腹地一曰僞忠王李秀城股匪正月初間連圍玉山廣信廣豐三城未破又深入內地圍建昌撲撫州亦幸

未破三四月間竄入崇仁樟樹鎮吉安峽江並
占踞瑞州府城分擾奉新靖安武甯義甯各州
縣五月間又竄入湖北之興國大冶蒲圻崇通
等處此北三股也其由兩廣竄入自南而北者
二股一曰廣東股匪其頭目有周姓許姓上年
十月由仁化樂昌闌入江境圍攻信豐南豐建
昌各城連陷河口興安德興婺源十一月初經

左宗棠攻克德婺兩城該逆遂歸併徽州城賊黨一曰廣西股匪其頭目爲朱衣點彭大瞬等本石達開之餘黨也由廣西竄出湖南經過南贛陷福建之汀州回竄江西蹂躪甯都建昌河口等處其前隊已由婺源竄浙後隊尙停留撫州屬境此南二股也五大股中又各爲三支四支忽分忽合時南時北是以頭緒紛煩御史華

論

祝三所稱去秋竄擾甯都撫建者廣東周姓等
一股也今春由玉山撫州建甯陷吉安瑞州者
僞忠王李秀城一股也

旨所指臣奏樂平鄱浮肅清者僞侍王一股也毓科
奏撫建解圍吉安新淦失而旋復者亦僞忠王
一股也江西本臣統轄之區自應力籌兼顧臣
處張運蘭江長貴朱品隆各軍皆駐防徽境斷

難移動左宗棠一軍則久在江西之北境援剿
饒州廣信各屬並未入皖六月初旬始以一半
留江之景德鎮一半移皖之婺源勢難再顧他
處惟鮑超一軍爲江皖兩省游擊之師二月間
忠賊由建昌圍撫州臣恐省垣震動卽飭鮑超
由湖口赴援旋因撫建解圍樂平危急不得已
調鮑超先救景鎮不果入省迫浮樂肅清而皖

北陳四眼狗大股攻撲安慶圍師之背勢更危
險臣移紮東流又調鮑超援勦集賢關之賊五
月初間始將關外赤岡嶺四賊壘圍勦淨盡臣
與胡林翼商令成大吉一軍回援鄂省鮑超一
軍回援江西鮑超於五月十五日自集賢關拔
營行抵宿松被紳民苦留圍攻宿城五月未下
正擬帶隊西行狗逆忽從南岸邀僞輔王楊輔

青及林紹璋黃汶金各股將由桐城復援安慶
雖下游各軍迫望援師而臣權衡緩急仍檄鮑
超迅由九江直擣建昌先保江西省城不能兼
顧安慶此臣派鮑超援江西之先後節次也瑞
州及各縣踞賊逼近南昌前經撫臣毓科商留
副將張運桂老湘營千人並調遊擊劉勝祥一
營扼紮城外會同江西省原有官兵協守又得內

河水師節節布置省垣重地尙無疏虞又有劉
于瀉二千人紮堵安義寶後營千人紮營生米
丁峻二千人駐守臨江皆爲省垣西路屏蔽此
次鮑超由東北進鄂軍由西北進兩路夾擊賊
如敗遁必不敢窺伺省城但恐官軍追急仍回
竄吉安一路臣擬飭總兵陳金鰲帶新募千勇
移紮吉郡並添撥陸軍數百水師兩營以資控

禦又飭贛南道李瀚章固守贛城以杜竄突至
李金陽戰敗陷賊旋即逃出臣已訊明正法矣
曾國藩又奏言查六月初旬祁門嶺外之賊連
日犯嶺朱品隆出隊擊之賊遂遠遁皖北偽璋
王輔王諸逆從霍山越嶺圖攻太湖陳四眼狗
盤踞桐城之三塘壩將夾攻多隆阿一軍再撲
安慶圍師之背安慶城外賊壘十八座經曾國

莖全數踏平將賊衆八千餘人圍殺淨盡此次
賊黨前來報仇計日內必有大戰儒蒙

皇上威福再行擊退城池可克矣江西之賊西路僞

忠王一股分擾德安建昌去省甚近臣現派鮑

超全軍往援必可得手東路朱衣點一股蔓延

金谿鉛山等處臣尙未派有援兵湖北之賊南

岸蒲圻咸甯崇通均已肅清惟大冶興國未靖

現派成大吉一軍往勦北岸德安黃州蘄州隨
州等城均尙爲賊所踞與下游桐城霍山等處
之賊黏連一片勦辦實屬不易幸官文胡林翼
李續宜俱在鄂省武漢根本之地深固無虞
同日慶端瑞瓚奏言查逆首黃添理糾率匪黨
由江西續竄武平經知縣陳汝枚等擊退該逆
轉踞長汀縣之千家村署遊擊許忠標連日追

勦均獲勝仗該逆退至水口鄉欲由水口渡河
越竄許忠標率勇夾攻該逆驚慌失措落河淹
斃者不計其數其花旗股匪尙踞長汀縣之上
椒四都等處總兵曾玉明等令副將林文察等
督帶兵勇分投追捕十九日林文察等行至硫
嶼地方該逆率衆拒敵我軍分投迎擊殲斃逆
匪數十名二十日陳捷元等遇賊於丁屋嶺開

放槍礮該逆敗逃我軍復追殺七十餘名生擒
老賊吳守富正法是日戴慶吳在上椒接仗亦
斃賊數十名該逆跳水死者無數餘逆均由江
西瑞金一帶竄逃江西廣昌縣大股賊匪下竄
南豐逼近閩省邵武各屬四月二十一日該逆
竄至建甯經守隘兵勇礮斃賊匪多名賊卽敗
退參將吳連陞等會帶兵勇馳赴建泰兩縣策

應查探逆匪竄至新城縣樟村一帶二十九日
逆匪分股竄入蕪寮隘吳淩雲等擊斃賊匪數
名該逆退回樟村其竄踞浙省江常兩縣之賊
先經衢州文武分路進攻於四月十六日克復
常山縣城二十二日克復江山縣城賊由龍游
下竄方冀松政浦城三縣得免牽掣之虞詎接
據浦城縣知縣陳夙音稟報皖南復有大股逆

匪闌入江山擾至箬坑等鄉切近浦城並分股竄至龍鼻頭窺伺處州府屬之遂昌龍泉兩縣是松政浦城邊防愈形喫重適曾玉明統帶臺灣兵勇由汀回延當飭疾趨浦城堵剿並令林文察挑選臺勇五百名先赴順昌剿辦土匪俟匪氛斂戢一併赴浦歸曾玉明調遣又將原防浦城之遊擊劉紹基一軍就近移赴松溪與同

知揭垂廉所部合力防堵一面分飭地方文武策勵兵丁協力守禦皖南另股賊匪由開化遂安一路竄陷壽昌茲據報金華蘭谿郡縣各城先後失陷賊勢趨重甯紹查金華蘭谿陸路由東陽義烏可通紹興之諸暨水路則由桐廬富陽可通紹興之蕭山甯紹財賦之區該逆垂涎已久勢必水陸併犯情形殊爲危急且金華南

連處屬東達台州西北壤接衢嚴浙東各郡在
在堪虞臣等現催張啟煊先統臺泉壯勇暨都
司黃大雄等軍改由松溪取道馳赴處州金華
諸暨一帶截擊又將浙江藩司林福祥續派弋
陽勇二千名飭由松溪赴浙援剿伏查花旗股
匪情極狡獪茲經在事文武勦捕淨盡汀屬地
方藉以一律綏奠其窺伺建泰等隘之賊雖經

立時擊退而賊蹤飄忽幾至刻不能安惟有責成各該文武隨時確探嚴密防堵至浙東浙西同時告警岌岌可危現又飛催各軍星夜拔隊兼程赴援以維東南大局均奏入報

聞

二十一日
丁未 荆州將軍都興阿浙江黃巖鎮總

兵黃彬奏言 臣等遵查鎮揚兩岸師船防剿情

形南岸除鎮江孤城之外上自金陵下至江陰
盡爲賊踞北岸沿江上下河口紛繁港汊歧出
當此夏秋盛漲之際舟楫暢行防範尤宜嚴密
是以捍衛鎮城水師最爲喫重而各幫師船祇
有三百餘號分布數百里尤在聲勢聯絡遇有
警信互爲策應上年八月臣黃彬奉

命總統水師卽親歷沿江上下各口會同李若珠暨臣

都興阿先後酌定將各幫師船分撥南北按段
派防總期嚴堵出竄賊船爲要其瓜州鎮江以
上之儀徵江面北爲泗源溝大江南爲高資夾
江派有金門鎮總兵陳國泰統帶師船二十隻
分別駐紮再上之沙漫洲近接賊蹤由臣黃彬
與總兵吳全美等各撥大小師船三十餘隻分
布南北兩岸排列前敵其鎮江一城三面居陸

一面臨江自金山至甘露寺僅數里專派遊擊
賴鎮海管帶師船二十一隻沿岸駐泊甘露寺
至西門橋沿江沿河皆有甄城圍護相近金山
之七里港鮎魚套兩口有參將袁復清等嚴划
四十餘隻聯絡駐防金山對岸卽係瓜州相距
亦祇數里臣黃彬與吳全美各帶師船扼此江
面居中調度南防鎮江北防揚州上禦金陵下

禦江陰四面策應鎮江以下之丹徒諫壁及孟
河小河魏村圩塘桃花蘆埠申港新港下港黃
田黃山石碑等口派有參將李新明等各帶所
部按口駐防再下之南岸福山以及北岸狼山
一帶江面遼闊按口派防船實不足飭由總兵
李德麟統帶所部師船駐紮棋杆沙尾不時親
率將弁往來梭巡其劉河一口由周希濂撥出

守備龔保康管帶船四隻專泊防剿歸李德麟
就近調遣如賊船由金陵下竄有沙漫洲儀徵
高資以及瓜州金山鎮江各幫師船節節截剿
如由下游各港口竄出有各該口駐紮師船隨
時堵剿如賊衆由陸路攻犯鎮江其城內兵勇
一萬六七千名足敷堵禦臨江一面有賴鎮海
管帶所部與金山丹徒等口船隻聯絡攻剿臣

黃彬與吳全美駐紮最近一聞警報卽帶船過江援助斷無聲息不通之理臣都興阿雖駐紮揚州臣黃彬雖駐紮瓜州思慮籌畫無刻不以南岸爲重前三次賊犯鎮江臣等無不隨時調派師船抽撥陸軍渡江助剿此次江陰之賊由海壩陸路竄至壽星沙續又竄擾各口一經瓜州添船會剿亦卽擊退其北岸沙頭三江營口

岸八圩港周家圩港等口派有師船駐泊者祇係防護釐卡巡查奸宄兼買食物接濟南岸各師船軍食如南岸有警各船仍回南岸各歸各幫助剿並非專防北岸也臣黃彬總統水師又幫辦江北軍務江防有失罪何可逃夙夜兢兢更以南北上下游江防全局爲要惟西至儀徵東至狼山福山以下江面數百里沙洲交錯港

口紛繁各幫大船祇一百五十餘隻長龍礮划
祇一百數十隻分防各口本屬不敷所恃事權
歸一無論何處有警皆可立時飛調茲奉

諭旨命吳全美總統鎮江至江陰一帶師船就近防剿
查吳全美佐扼中權南北上下游俱可策應現
在壽星沙踞匪業經擊退若添派鎮江江陰一
總統則上游下游事權頓分必致互相推諉又

撥兩總兵分船數十號歸鎮江調遣師船益不
得力現聞下游各口內賊船多假官軍旗幟圖
謀出竄水師若再分屬詐冒更恐難查臣等詳
察刻下情形實有未便紛更之勢嗣後遇有水
陸分剿臣黃彬勢難兼顧無論上下遠近其水
師督戰卽飭吳全美前往統率以專責成至謂
分派師船以厚防金山則上游賊船必節節犯

及瓜州瓜州不保金山益危且金山現有師船
瓜州又在咫尺兵力不爲不厚至欲分船分員
歸屬鎮江一節恐南北幫將弁兵勇必分畛域
南不顧北北不顧南似於江防情形實多未便
可否仍照舊章之處恭候

聖裁巴棟阿近在鎮城臣等仍當隨時隨事與之熟
商斷無立異然亦不敢徒博和衷之名以取僨

事之咎奏入

上命載垣等傳諭都興阿黃彬巴棟阿馮子材曰據
都興阿黃彬奏長江水師南北上下游布置情形
著都興阿等卽按照所奏辦理嗣後南北兩岸上
下游水師防剿均責成都興阿黃彬隨時與巴棟
阿馮子材聲息相通妥籌策應鎮江孤城堅守如
因水師策應不及致有疏失惟都興阿等是問

欽定勦平粵匪方略卷二百七十 辛酉年

七月二十四日

庚戌

巴棟阿馮子材奏言據靖江

縣知縣齊在鎔稟稱壽星沙舊有海壩一條偏

近後陳老岸恐賊竄來滋擾去年經沙民掘斷

詎料該逆將老岸祠廟拆毀填平斷處直到沙

洲放火焚燒年旺街合興街及二十村等處並

據水師總兵李德麟稟稱賊竄壽星沙意圖乘

隙北竄經都司魏麟彪管帶礮划二十隻前往
下游會同遊擊郭定猷等嚴密堵剿該逆陸續
遁回又據郭定猷等稟稱該逆復於鹿苑許浦
白茆等處駐泊賊划意圖北渡當卽各帶師船
馳往該處堵剿六月二十一日風色順利各船
開礮對擊直逼港口縱火焚燒該逆瞥見前船
著火均各亂奔我軍乘勢追殺賊淹斃者甚衆

餘匪逃歸潯浦二十三日我營礮划先往潯浦
誘敵該逆開礮遙擊郭定猷及各營師船分路
進攻該逆搖旗吶喊魏麟彪先帶礮划衝入拋
擲火彈噴筒煙燄障天該逆躍水逃遁我軍登
岸追剿立將江邊賊卡二座燒燬次日進攻白
茆詎該處之賊早已聞風先遁各營師船均皆
泊於南岸往來梭巡二十六日遊擊張茂清駕

船駛至福山該逆隱於沿江卡內開礮我軍正
在迎勦魏麟彪駛船趕至張茂清首先登岸魏
麟彪乘勢追勦賊衆大潰又將賊卡三座焚燬
二十八九等日團練巡船會合卽於壽星沙一
帶分段巡查連日共計擊沈賊船八十餘隻奪
獲賊划二十二隻攻毀賊卡五座斃賊二千餘
名防禦斐桑阿等稟稱該逆見我水師增盛遁

同江陰沿江南岸等處又准都興阿咨開以該
逆已經擊退靖江一帶安堵所有派防北岸之
軍應卽撤回臣等仍當隨時分飭水軍加意嚴
防以誌後患

巴棟阿馮子材又奏言欽奉

諭旨因上海松江軍情喫緊令於副將熊兆周文龍德
二員中酌派一員募勇赴滬臣等查鎮防一軍

自上年七月內副將向奎帶領官軍二千餘名
赴上海後疊將咨調將弁陸續派往現在各防
將領均係扼要堵禦實難再行派撥惟刻下松
滬軍情喫緊調遣需員未便稍分畛域因於萬
難派撥之中酌派副將熊兆周隨帶官員二員
親軍二十名至江北募勇帶領赴滬以資調遣
同日暫署湖南巡撫布政使文格奏言前由黎

平犯靖之賊當潰竄粵境時臣卽飛咨廣西撫臣劉長佑速派兵勇堵截該逆乘虛疾竄旬日之內遂由小龍勝山門平水江一路直趨義甯之中田周田時在籍候補道江忠義飭參將江忠朝等調回駐防武岡之勇拔赴全州以扼竄零陵東安要路迫賊竄抵靈川渡大榕江江忠朝等已督精捷營駐紮興全接壤之界首賊遂

折竄海洋坪該匪原係石逆餘黨意圖回竄江西是道州永明江華皆其熟徑臣前飭知府席寶田扼駐道州四方橋又飛飭副將王永章周達武兩營助之仍恐兵力單薄復飭同知魏喻義督帶所部由郴州馳赴嘉禾甯遠以爲後路策應該逆偵知有備徘徊於興全之交現探廣西已派道員劉坤一由柳州移營前來臣嚴飭

各營加意堵禦約會夾擊以期聚殲江西之賊
自四月初擾及上高新昌裏脅日衆聲言將由
平江瀏陽以犯楚省臣前飭已革皖南道李元
度將所募援浙勇丁暫行分堵平江瀏陽各隘
一面咨催提臣周寬世札調副將朱品文由永
州拔營來省前赴平瀏換防乃防軍未集而賊
之分股已破銅鼓營復陷義甯州探聽僞忠王

李秀城親駐此路時向馬坳等處擄掠偏近平江東界之龍門廠一帶賊勢趨重平江當飭李元度概將分派防瀏之勇撤以防平且因緊接通城並飭分營兼顧以防竄鄂奈平江北界之大坳小坳上塔市等處亦須設防各勇多懷內顧之憂未能強之出境通城頗慮空虛查江西義甯至湖北通城要隘以南樓嶺爲最北省重

兵皆圍攻德安黃州僅派有防勇數百人來通
駐守五月初一日賊黨由石埭太平墟桃樹港
遙擁而來衆寡不敵賊遂奪隘而入竄至麥園
次日卽越通城之何葛墩擾及北港肆行劫掠
方賊之窺犯平江臣卽料其必走通城彼時以
瀏陽情形稍鬆參將楊虎臣與瀏陽團練亦極
相聯絡卽飛催副將朱升開等先行移紮巴陵

之茅田以便相機堵剿副將朱品文自永郡拔營沿途爲積雨所阻至五月初閒抵省臣當與周寬世面商一切見其以迅速剿賊爲事初九日卽由水路起程連日南風甚利計兩日可抵岳郡朱品文亦卽於是日督隊進發至岳州湖面前已派有水師駐巡現因江湖漲發已挽入小河分泊楓橋湖高橋三眼橋等處復咨總兵

劉培元添帶礮船親往督辦惟賊股已越通城而義甯大股猶築城修濠以圖負固其分擾奉新上高新昌瑞州武甯諸賊仍復往來無常似此蔓延非江西湖北湖南各派大兵會攻一時難於殄滅而三省地方又皆有另股賊匪牽掣兵力殊爲隱憂新任署撫臣毛鴻賓向在襄樊辦理防剿諳練軍務湖南兵勇亦尙得力當可

靖邊患而慰

宸廑均奏入報

聞

二十六日壬子劉長佑奏言據署思恩府徐引稟

報上林縣積匪李錦貴等勾結石逆分出劫掠
李錦貴與石逆合攻武緣大山團潰走上林復
率衆數千往撲三里堡該署守分途援剿擒斬

僞宰輔陳姓等四五百人李錦貴旋伏冥誅其
黨解散該署守乘勝進攻賓州僞官朱進久屢
戰皆北勢已不支適黎村積匪宋扶捍糾合附
近數十村土匪前赴救援石達開亦派呂姓賊
目帶悍賊二千餘人分攻各國以圖牽掣該署
守督飭團紳陸生蘭等分投防剿並出示招安
各村土匪獨宋扶捍等恃衆負嵎石逆復屯紮

襲村廬村等處勢頗鴟張該署守商同遊擊郭承修等添調壯練絕其糧道四面合圍以圍之臣查知附從石逆之貴縣賊匪黃三宣化賊匪李青龍等皆有投誠之意當派同知陳瀚馳赴賓州會同徐引等籌辦勦撫該員行抵武緣與團紳林源海集練三千人至賓州協勦時黃三已回貴縣隨遣廩生陶光撫諭李青龍情願誘

擒逆黨賴積新以自贖証石逆潛於六月初九
日夜間竄往貴縣徐引等當將州城克復現在
該逆勢成弩末斷不可任其死灰復燃臣已飛
飭潯州府及貴縣文武會合徐引陳瀚等確探
賊蹤嚴行擒斬其南甯之橫州鬱林之興業廣
東廉州之靈山合浦均與貴縣毗連蔣益澧劉
坤一進兵潯州亦相距不遠並卽咨行各路一

體堵截勿使奔逸漏網奏入報

聞

二十八日

寅

毓科奏言據稱武甯踞匪其大股

最悍賊目係盤李二姓與湖北興國州僞璟天
福將軍陳姓皆隸僞忠王李秀城部下互爲聲
援又聞興國州賊備有划隻圖竄瑞昌先經臣

咨商督臣曾國藩札飭參將丁義方帶領礮船

豫在九江小池口駐紮瑞昌縣知縣楊林盛先
已集團在瑞武交界之仙鄉等處防堵五月二
十五日興國股逆由興瑞交界之界首堡竄入
適丁義方派令哨官張三元等管帶礮船由潯
郡駛至二十九日張三元等督率水師槍礮齊
發轟斃賊匪無數楊林盛亦帶領弁勇鏖戰逆
衆紛紛奔竄六月初四日署建昌縣知縣李慶

芳探聞瑞昌敗匪於竄回武甯後糾合大股竄入該縣河澍柘林地地方卽派千總傅立全等帶勇扼守初八日賊股竄抵虬津一由北路馬塘洲一由南路焦坑分撲縣城適臣所謂之水師系昌國一軍已派左哨易洪等各帶飛划會合楊宏勝三板礮船先後馳至擊斃賊匪多名賊勢稍卻連日潛匿不出二十二日楊宏勝等率

勇環攻斃賊不計其數李慶芳亦帶練勇迎擊賊遂大敗而走所有在事出力人員可否容臣擇尤酌保以示獎勵該二縣究竟曾否失守業經飭查如有諱匿情事卽行據實嚴叅

毓科又奏言查瑞郡之賊分股竄陷新昌奉新臣札飭水師參將孫昌國督率礮船沿河巡緝堵其下竄省河之路並飭催劉于瀉作速進攻

奉新之賊初欲東竄安義因被擊分股北竄一
趨靖安一趨武甯靖安縣知縣陶黼昌派把總
江殿龍帶勇駐紮距城五里之小山口四月十
五日賊繞出小山口後突撲縣城該縣等連日
守禦頻擊卻之二十三日賊復大股屬集團攻
數重東南隅被礮轟塌縣城遂陷該縣等投水
遇救先是武甯縣知縣翁延緒等以牽牛嶺朱

家山係屬要路派把總吳鳳儀等各帶兵團分
守四月十二日賊由爛草湖山僻援崖而入外
委張青聞警馳禦賊復由虬場包抄張青力竭
陣亡十三日賊竄徧縣城對河之南渡街該縣
等用礮轟擊賊勢少卻次日復有另股賊匪攻
撲西門南岸之賊梟水渡河卽由南門援堞而
上城遂被陷該縣經親兵搶護以出新昌之賊

一股竄至銅鼓營經都司宛春華擊卻一股分竄萬載經知縣魏邦達派優貢廖連城等帶領團勇由新昌港口分道而出遇賊於麻田軍功郭有春先馳入陣連砍悍賊四名各勇三面轟擊殺斃並生擒共三百七十餘名賊遂敗竄二十日各營齊抵西門隔河而軍用礮轟塌望樓一座擊斃守城垛賊十數名賊堅伏不出廖連

城令各軍佯退誘其出城賊果傾巢而出各軍
回擊賊卽奪橋而奔殲斃及溺死者無數追至
城下各軍分攻西南兩門時新昌縣知縣趙樸
庭亦率勇馳到該逆因攻圍緊急卽於二十一
日夜開門奔竄我軍追殺賊匪多名救出難民
千餘人卽將新昌縣城收復其宛春華擊卻之
賊北竄義甯州攻樸州城署知州胡樑等帶領

兵勇迎擊疊有斬擒詎賊股由南門塌口衝入
州城卽陷該知州遂赴各鄉招集民團以圖收
復不料湖北通崇賊匪悉數竄踞州境之官暇
地方與踞城之賊互爲聲援胡樑派千總黃雲
龍等帶勇伏於梅嶺自率團丁屯於來蘇渡口
六月十二日城賊出隊軍功曾省三帶勇衝入
砍賊多名梅嶺伏兵悉起策應賊衆返奔時已

革皖南道李元度帶安越軍由湖北通城馳至
卽派吳蘭蕙等直搗官垵賊巢賊不意大軍驟
至不戰而潰次日該道分路進攻先將城外賊
壘一律踏平賊卽逃入城中我軍進薄城下時
胡樑宛春華等亦率勇馳至十四日各勇攀堞
而上賊開門向新昌大路竄逸遂將州城克復
劉于涇於五月初二日統帶水陸各軍進攻奉

新又分軍並攻靖安賊堅伏不出該道復調安義團勇及保靖保奉團軍分守要隘自統親兵與知縣鍾泰等軍攻靖十七十八等日誘賊出城分軍抄擊哨官蕭新全擒其僞將李廷珍各軍乘勢衝突殺斃不少賊遁入城次日復移軍奉新連日環攻賊仍伏匿偵知竄擾湖北武昌逆匪糾合興國大冶等處各股悉數內犯六月

十二日該逆大股直撲安義縣城該道移軍援
擊連斬紅旗大小賊目三十餘名賊勢大卻悉
向台山而逃我軍追至靖安縣仁首地方忽山
後伏賊遽擁而出該道分軍鏖戰不料奉新援
賊又至勢不可支卽收軍退紮萬家埠因河水
淺涸礮船不能得力又退泊新建縣之樂化地
方當經臣札飭該道作速相機進剿現在新昌

義甯雖經收復而瑞郡及奉靖武三縣賊勢猖獗距省均在二三十里不等雖廣信撫州各有防軍均爲閩浙賊匪所牽掣此外實無兵勇可調省垣頗形岌岌臣現已督飭司道文武各官布置城守事宜並飭嚴查奸宄以靖內訌復疊催鮑超一軍迅速來江接應並飛咨督臣曾國藩就近飭催至靖安縣知縣陶黼昌署靖安汛

把總江殿龍武甯縣知縣翁廷緒署武甯營都司阿敦布失守城汛咎有應得相應請

旨卽行革職如查有棄避情事再行從嚴叅辦署義甯州知州胡樑千總黃雲龍雖隨同克復州城功不掩過應請一併革職武甯營外委張青禦賊陣亡應請

飭部議卹已革皖南道李元度於收復湖北通城崇

陽等縣後又將義甯縣城克復可否開復原官之處出自

逾格鴻慈各州縣同城員弁暨陣亡弁兵練勇人等俟查明另行辦理奏入

上命載垣等傳諭曾國藩左宗棠曰疊據曾國藩奏稱左宗棠一軍兼顧江皖瑞州各匪偏近南昌業經飭調副將張運桂老湘營等軍分路防剿省垣

可以無虞茲閱毓科所奏情形江西賊勢蔓延必
須趕緊勦辦克復各城著曾國藩左宗棠酌量緩
急妥籌兼顧務使江西股匪次第肅清鮑超一軍
曾國藩諒已飛催策應徽州既經克復皖南軍情
亦當稍紓左宗棠能否分投援應並著妥爲調度
毋誤事機

上諭內閣曰湖北興國股匪竄入瑞昌經知縣楊林

盛等擊敗該匪竄走武甯復糾股分撲建昌縣城
楊宏勝等督勇環攻斃賊不計其數知縣李慶芳
亦率練勇迎擊賊遂大敗而走所有在事出力人
員著該科會同曾國藩擇尤保奏該二縣曾否失
守並著該撫確查如有諱匿情事卽行嚴叅

上又諭內閣曰江西瑞州逆匪陷踞新昌經官軍克
復縣城後又復竄踞義甯州城並經李元度等軍

將州城克復其失守城汛之靖安縣知縣陶黼昌
署靖安汛把總江殿龍武甯縣知縣翁延緒署武
甯營都司阿敦布均著卽行革職署義甯州知州
胡樑千總黃雲龍雖隨同克復城池功過未足相
抵著一併革職武甯營外委張青禦賊陣亡殊堪
憫惻著交部議卹已革徽甯池太廣道李元度業
經官文保奏賞還按察使原銜該撫奏請開復原

官之處著毋庸議各該州縣同城文武員弁著毓
科查明分別辦理仍著督飭官軍將賊踞各縣迅
速克復毋許遷延

毓科又奏言此次賊踞新昌分擾萬載知縣魏
邦達聞警設備尤能不分畛域募勇集團越境
攻克城池洵屬著有勞績可否以同知直隸州
知州用先換頂戴並

賞戴藍翎之處出自

恩施其餘出力團練客俟查明另行請獎奏入

上諭內閣曰江西逆匪竄踞新昌分擾萬載該縣知縣魏邦達募集團勇分道追剿立將縣城收復尙屬著有微勞魏邦達著以同知直隸州知州用先換頂戴並賞戴藍翎

同日毛鴻賓奏冒據各路稟報逆匪自義甯竄

走後沿途裹脅瑞州之賊又分股助之六月十八日攻陷新昌縣城十九日上高縣城繼陷二十三十四等日分撲萬載縣屬螺杯巖斗門等處經該縣營團擊退七月初二日李元度由義甯率五營進規新昌會合萬載團練分路並進轉戰薄城當將新昌縣城收復餘賊退竄上高仍往來萬載袁州交界之洋橋一帶查萬載袁州

俱爲入楚通衢兩處未駐一兵僅恃民團堵禦
其勢恐難持久又據平江縣稟彭大瞬等股匪
屯聚撫州廣信之交浙江股匪復由常山繞道
華埠探聞有會合彭大瞬併趨瑞州窺伺湖南
之說臣前調副將趙福元等移紮潯陽副將周
達武等移紮茶陵業經陸續到防道員江忠義
亦派知府席寶田由衡州渡湘而自率所部由

寶慶取道湘潭均至醴陵會齊臣已飛飭江忠
義等於行抵醴陵後卽知會李元度各軍合力
直搗瑞州並咨會江西撫臣迅派得力兵勇與
楚師聯絡夾擊以冀一鼓蕩平

毛鴻賓又奏言查逆目李秀城自三月間闖入
瑞州旋陷義甯五月初分擾鄂境勾結各屬土
匪蔓延十數州縣臣所謂道員江忠義全軍因

事留鎮灌陽當飛飭道員李元度先由平江上
塔市進規通城一面飛咨提臣周寬世由茅田
派隊爲李元度應援復飭巴陵縣揀派團練令
紳士陳崑等管帶進抵通城適李元度攻城方
急賊見我軍繼至驚惶潰竄當將縣城收復各
營追殺屁股悍賊三百餘名生擒十數名餘賊
向崇陽潰圻竄走臣比飭副將朱升開等自岳

州馳赴臨湘扼紮並咨總兵劉培元撥三板船
隻駛入內河與朱升開等會合布置力遏蒲圻
上犯之路其南北交界一帶江面地方遼闊若
該逆擄船西渡則鄂之荆漢湘之常澧皆爲震
動劉培元全部水師均已抵岳卽責成往來梭
巡務令賊蹤不得偷越西岸初六日李元度等
直逼崇陽南門外山岡分路進攻逆匪紛紛竄

逸殺斃不計其數維時督臣官文調派何紹彩等馬步官兵進駐咸甯湖北撫臣胡林翼由太湖回駐鄂城所統總兵成大吉等十營陸續渡江進剿蒲圻通山之賊進退失據亦相率棄城而遁四縣境內次第肅清節據探稱賊蹤併歸義甯到處擄人計圖復逞臣揣度賊情必以平江空虛蓄謀窺伺隨飛飭副將趙福元兼程赴

訪初八日至軍齊抵龍門廠初九日義甯大股
傾巢出屯渣津距龍門廠僅四十里意在襲踞
平江初十日趙福元潛師以出距渣津數里該
逆纔擁而來趙福元分爲數路包裹而進賊不
意官軍突至蒼黃失措各營大呼乘之殲賊無
算是夜探稱賊將由渣津逃逸趙福元傳令四
鼓蓐食各出隊分路疾馳行近渣津先據山岡

放礮誘賊出巢我軍自山岡壓下斃賊五六百
名賊悉數竄回義甯窮追至馬坳始返卽派哨
長周楚勝等留駐渣津十二日李元度哨勇亦
從通城搜剿而上探聞州城之賊多半移紮城
外十三四日趙福元會同泰鄉團練及李元度
哨勇更番攻剿乘勝入城賊衆狂奔良塘而去
查良塘在義甯之南該逆非竄擾新昌卽與瑞

州合股現在平防雖鬆而上游又應嚴防臣已
調周達武王永章由永州移赴茶陵調趙福元
由平江移營瀏醴之交聯絡同知楊安臣防瀏
各營探明賊蹤所向星馳勦辦李元度一軍能
否卽赴浙江應由督臣官文酌量調遣江忠義
一軍仍令迅速起程俟抵東路後相機進勦奏
入均報

關